

524

QVÆSTIO MEDICA.

QVOD LIBETARIIS CONCERTATIONIBVS MANE DISCVTIENDA IN SCHOLIS MEDICORVM DIE IOVIS

VIL IANVARII, MAGISTRO ÆGIDIO LE BLANC DOCTORE MEDICO MODERATORE.

An venus amantium ictero.



Moris initium idem cum natura, quam, ut sinum Iunonis Iupiter, fecundat, fouet ac tuetur: hic ad formam appetendam insitus est materiei, quatuor elementis ad vnionem, singulis animantibus ad complexum, quo forminx mares tanquam complementum desiderant. Cur non & *ἀντιφλοῖς* cum etiam mares feminas: vnde quemadmodum venustioribus puellis pulchritudine, multiplicique gratiarum cumulo præstantioribus *χλωρῶν* euenit, sic viris delicatioribus, studiosis & vitam sedentariam ducentibus icterus, simile cum ardenti febre (cui tam pota quam injecta per clysterem prodest aqua frigida) materiam obtinens.



St autem frequentior icterus symptoma iccoris affecti consecrarium, in quo bilis saturato colore totam corporis molem inficiens, & cutis superficiem contingens sua praua qualitate suffundit, qualem enim color externus prodit, talis & *ἐν τῷ σπλάχνῳ* dominatur, nisi sit *ἡ χλωρὸς ἀμύμων*, quia flauus bilem, *καρφαλάς* melancholiam, albus pituitam significat: Ex quibus producit triplex species icteri, febris amatoria virginum, aurigo iccoris, & arquatus lienalis, licet aliquando die critico prægressis signis coctionis salutariter contingat, & hoc superueniente magni morbi depellantur.



Efectus hi consequuntur insignes viscerum obstructions, quæ partim ab alimenti qualitate, partim à mala viscerum conformatione profiscuntur: vitium ciborum consistit in dyspeptis, quæ sequitur ametria retentorum, in constitutione partis mala conformatio, quæ licet præsertim pendeat à semine parentis vtriusque, materni tamen ratione sanguinis in utero variè solet alterari: vnde pro consistentia ipsius, velacitudo sic viarum angustia, quæ parens est obstructionis: Cui perficiendæ non parum conducunt animi pathemata, qualia sunt tristitia, moeror, *ἀνία*, amor, qui (quemadmodum cogit amare icterus) sic ab eodem & eidem icterum inurit, affectum præ feditate coloris iniungendum.



Vius sunt signa concomitantia cutis ardor, siccitas, asperitas, anidrosis, oris amaritudo, defectus appetitus, dyspnœa, turbulenta insomnia, *ἀπνοία*, sensuum hebetudo, torpor & segnities: Ex quibus ut ab affectu quem produunt cum *τὸν καρπὸν* desumatur, sic instituenda sunt remedia, ut obstructioni præmissis clysteribus, eccoproticis & phlebotomiâ, tum detergentibus & humorum crassitiem incidentibus, ut melissa, sabina, cuscutha, mentha, similibusque provideatur, deinde medicamentis partim bili, partim pituitæ vacuandæ commodis, ut infusio rhei & agarici simul mistis in decocto aperienti consularur.



Vibus omnibus si viscidior & nimis impactus humor contumaciter resistat, sola venus (quæ spiritibus in toto corpore commotis, & ex humorum agitatione spumam & calorem inducentibus, corpus agilius redditur, liberior fit humorum commeatus, implicita vis ratiociniij collustratur, facultates omnes tam animi quam corporis foelicius obeuntur) attenuatis, liquefactis, & ad exitum præparatis totius corporis humoribus noxijs mirum in modum præ cæteris auxilijs conferet.

Ergo venus amantium ictero.

Propugnabat NICOLAUS DROVIN Cenomanensis. Anno 1616.

DOMINI DOCTORES DISCVTAVRI.

M. Ægidius le Blanc, Præses.
M. Ioannes Desgorris, M. R.
M. Renatus Chartier, M. R.

M. Franciscus Placer.
M. Andreas du Chemin.
M. Georgius Arbault.

M. Simon Basin.
M. Nicolaus Pietre.
M. Iacobus Cousinor.

